

YIPIYSES

Pol Yipiyses Biynimb Kuyip Minj Tikak Minim Nind Niņep

Pol Yipiyses biynimb Krays ker mindeyak gok kuyip minj tikak biy; Gor kuyip Jiwda gok, Jiwda mer gok di Krays yip jimñiy ayek, Gor biynimb kiñij nokom mindpay rek anġrep gen, penpen anġiy asik keykey ma ayningiy anġiy tikak.

Minim Ar Keykey Mindip Rek:

Minim nind anġak ak mindip, chapta 1:1-2.

Krays biynimb nuk gok kond mindrep gip minim ak mindip, chapta 1:3-3:21.

Mindyņgipim rek ma mindenimimb; Krays biynimb nuk kim kisenimb mindpim ak niņiy, Krays miñ gip ar ak nep ginimimb anġak minim ak mindip, chapta 4:1-6:20.

Minim anġ jiwak minim day won ak mindip, chapta 6:21-24.

¹ Yand Pol, Gor nep anġek bi Jiysis Krays minim dand amemb ak mindpiyn. Nimbip Yipiyses biynimb Krays nup chingrep giy mindpim gok minj tiksipiyn.

² Biyomb chin apiymıņay ak nimbip simb niņiy kond minder, mindrep ginimimb.

Jiysis Krays Nup Yokek Apiy, Chinup Dak

³ Biyomb chin Jiysis Krays Nop anup tep anġjun. Ñinuk nup yokek apiy chinup dek mey, nup chingon, chinup direp yimb gek mindrep gipun.

4 Miñmon ma alwol gayak ñin ak chinup gos niñiy angak, “Ñiyand Krays nup yoken am kuyip dek, biynimb suñ-tep yand gok mindeningambay angak.”

5 Ñin kun anep angak, “Ñiyand Krays kuyip dek, ñapan yand gok mindey, yip tep giningamb angak.”

6 Kun angiy, Ñi mapin nuk ak monmon yokek apiy, chinup di Nop ñin ar ayak ak mey, tep gakniñ yimb nup ak dand aranjun.

7-8 Jiysis Krays likañ yapiy kumak rek, kim amningambun. Gor bi tep yimb ak, tap siy tap timey gipun gok niñiy kirgiy, Ñinuk nup monmon yokek lum biy apiy kumiy chinup dip. Bi gos tipangiy niñimb kun ak,

9 Ñinuk nup yokningayn angiy niñyingip rek yokek awak ak niñbun.

10 Minim bap kunep angay angak, “Ñin angaypiyn ak apek, Ñiyand ak tap semb biyon man biy, tap yerip yerip gaynik rek, mangiysek kond mindeningamb angak.”

11 Pen key niñayak rek, chin miñiy Krays nup chingiy, Gor biynimb nuk yimb gok mindpun. Yerer gip ak nuk key niñayak rek nep gip.

12 Nuk gak kun ak, chin biynimb Krays nup nind gosimb niñnuk gok, Nop nup yimb ak dand aranjun.

13 Pen nimb kunep minim tep ak niñiy nup dem mey, Kawnan nuk ak yokek ap nimb yip mindip.

14 Kawnan nuk chinup yokip kun ak yikop ma yokip; kuyip pisnep dipiyn rek, kisen dand

amningayn angyi yokip. Kun ak mey, yimb nup dand aranying nep mindonjun.

Pol Gor Nup Angniny, Kuyip Gos Tep Ninimin Angak

¹⁵ Kun ak nimb nind Jiysis nup diy, biynimb nup gok kuyip wasemb aypik ak niñiy,

¹⁶ yand sakiy ma giy, nimbip nen Gor nup angninying, tep angying mindpiyn.

¹⁷ Jiysis Krays Nop nup per angniny apiyn, “Kiyk Kawnan nand ak yip nep mindpay rek, gos tep ak ñenimin, amemb owep nand ak niñrep yimb giningiy.

¹⁸ Nand kuyip dining, Krays nup yokey apiy kuyip dek, mindrep yimb giningambay angyi dinak ak mey; kuyip gos tep ñenimin, giningamban kun ak niñiy tep gakniñ mindeningiy.

¹⁹ Nand Biyomb key yimb; biynimb nip dipay gok kuyip, kond mindrep yimb gipan ak niñningiy apiyn.”

Nimb niñbim: Biyomb chinup kond mindip kun ak key yimb mindip.

²⁰ Krays pisnep kumek nuk gek tikjakiy, am ñin yipund kind nuk okok ken mindip.

²¹ Nop yip am bisgip rek, nuk kunep Biyomb kun ak key yimb mindip. Biyomb man ar biy mindpay rek mer; enjol biyomb mindpay rek mer; Seytan kichekiy tap okok biyomb mindpay rek mer; pen biynimb yomb nind mindyngipay gok, biynimb yomb kisen mindeningambay gok, yimb kiyk kayan mindek; yimb nuk ak yiy ar biyon mindakniñ, mangyisek beñ nuk okok mindeningambay.

22-23 Nop biynimb tap okok maŋgiysek beŋ nup okok ayak. Pen chin biynimb nuk gok, nup korip sap yomb namb biyaŋ rek piŋiy, chinup piŋiy kus kus gip ak mey, pisnep di jimñimb.

2

Krays Nep Gek Mey, Kim Amjun Rek Ayip

¹ Tap siy tap timey giyiŋgipim rek Gor yip jimñiy mindep rek ma ayak ak pen; Krays gek nuk yip jimñiy mindpim.

² Nind ñin kun ak Seytan kichekiy tap gok ap bak ay mindey, Gor nup minim ak kirpay rek ak giyiŋgipim.

³ Chin maŋgiysek kun ak rek nep giyiŋgipun. Gos chin key niŋyiŋgipun rek giyiŋg, gos gunap key niŋep rek ma ayek, biynimb yikop gok, yiwur yomb ak kond mindpay rek ak, chin giyiŋgipun.

⁴⁻⁵ Kun ak chin Gor yip mindep rek ma ayek, nuk bi biynimb simb niŋimb ak, chinup simb niŋiy, Ñinuk Krays nup yokek apiy, chinup aŋgiy kumiy, Gor yip di jimñiy ayek mey, perper mindenjun rek ayip.

⁶ Krays kumak ak pen, Nop gek tikjakiy semb biyoŋ amnak. Pen Nop niŋek, chin Ñinuk yip jimñiy kumiy tikjakiy mindpun ak mey, chinup Ñinuk yip aŋgayip miñmon tep nuk biyoŋ.

⁷ Pen chinup simb niŋiy Ñinuk nup yokak kun ak, biynimb gok nup per, bi tep key yimb biynimb simb niŋimb ak niŋniŋgiy aŋgiy, gak.

⁸ Nimb Krays nup gosimb niŋem nimbip dip ak, kilis chin key gon chinup dip aŋgiy ma aŋgnimimb. Gor nuk nep chinup simb niŋiy Ñinuk

Krays nup yokek apiy, chinup di Nop yip jimñiy ayek, biynimb nuk mindpun.

⁹⁻¹⁰ Pen chinup dek, biynimb gok kuyip direp giyিং mindrep giniᅅgambun ak, ginimimb aᅅgak rek nep giniᅅgambun. Kun ak yimb chin key dand aranjun rek ma ayniᅅgamb.

Krays Biynimb Jiwda Gok Yip, Jiwda Mer Gok Yip Di Jimñak

¹¹ Nimb niᅅbim: nind Gor nup gosimb ak ma niᅅyiᅅpipim. Biynimb yand Jiwda gok kumbak tikiy, nimbip aᅅgjiwiy aᅅyiᅅpipay, “Biynimb sakiy, kumbak ma tikpay gok aᅅyiᅅpipay.” Pen kumbak tikpun gos niᅅiy apay kun ak, Gor biynimb nuk ma mindpay. Nimb miñiy Krays nup chiᅅgiy mey, Gor biynimb nuk yimb mindpim.

¹² Pen nimb nind Gor biynimb nuk ma mindiy, minim nup niᅅyiᅅpipay kind ak ma mindiy, biynimb yand gok diniᅅgayn aᅅgak minim ak ma niᅅiy, biynimb yikop gok gipay rek nep gi mindyiᅅpipim.

¹³ Nimb par okok mindiy, nup ker mindenimimb rek ma ayak. Pen miñiy Krays likaᅅ nuk yapek kumak rek niᅅiy, nup chiᅅgiy biynimb nuk mindpim.

¹⁴ Kun ak nuk kumak rek, chin Jiwda gok, Jiwda mer gok miluk niᅅiy, penpen giyিংpipun wariy ak timbwaliᅅg yokiy, di jimñiy ayek mindpun.

¹⁵⁻¹⁶ Jiwda low minim kumbak tikep aᅅyiᅅpipay gok maᅅgiyseᅅ kirgiy mey, Jiwda kiᅅiᅅ ak key, Jiwda mer kiᅅiᅅ ak key ma mindpun. Jiysis kumak rek, chinup Gor yip

di jimñiy ayek mey, chin biynimb nuk gok kiñin nokom mindpun.

¹⁷⁻¹⁸ Nind keykey yimb mindyngipun ak pen; Krays minim tep Gor yip jimñiy mindep ak dand apiy, nimbip biynimb paryomb okok rek mindyngipim gok angñiy, chin Jiwda mañ okok mindyngipun gok angñiy gak. Kinjen chinup ar nokom pindip kun ak, Bapiy yomb ker amjun rek ayip. Pen Kawnan nuk ak kuñay ma mindip; nokom mindip ak diy mey, jimñiy mindpun.

Chin Krays Ker Mindpun Gok Gor Korip Nuk Rek Mindpun

¹⁹ Kun ak miñiy biynimb miñmon key okok nimb jiwapiy mindpay rek ak ma mindpim: biynimb ar okok tapay rek ma mindpim; Gor biynimb nuk nindnimb gok yip yingong giy, biynimb nuk yipund giy mindpun.

²⁰⁻²¹ Kun ak chin Gor nup angñep korip ak rek mindpun. Jiysis korip sap di mindep yomb namb biyan mindip. Bi Gor minim angep gok sek, bi Jiysis minim dand amemb gok sek korip sap siskoy titumbis okok piñipay rek ak mindpay; korip bong piñiy kus kus gipay rek ak nimb mindpim.

²² Kun ak Gor Kawnan nuk ak, nimb Yipiyses biynimb Krays ker mindpim gok, di chin biynimb gunap nup ker mindpun gok yip di jimñiy ayek, korip miñgan tep nuk ak mindning gisap.

3

Pol Krays Minim Tep Ak Jiwda Mer Gok Kuyip Angñak

¹ Yand Pol, Krays nup wonḡ giñiyiḡ, nimbip biynimb Jiwda mer okok aḡñiraniḡ, Jiwda gunap yip miluk niñiy kalambis ayey mindpiyn.

² Pen Gor yip simb niñiy diy, nuk nep aḡek nimbip aḡñirapiyn ak; niñbim rek ayip.

³ Minim nuk ma niñyiḡipay gunap, Gor gek day niñnik ak, nimbip minj tikpiyn.

⁴ Nimb minim tikpiyn kun gok niñiy mey, Krays minim tep nup niñbiyn rek ak niñniḡambim.

⁵ Gor Kawnan ak chinup bi Gor minim aḡep gok sek, bi Jiysis minim dand amemb gok sek gos ñek, minim nind ma niñyiḡipay ak niñrep gipun.

⁶ Pen minim kun ak kun giy mindip: miñiy Krays apek, Jiwda biynimb gok sek, Jiwda biynimb mer gok sek minim tep aḡayak ak dey mey, kuyip di jimñiy ayek; biynimb kiñiḡ nokom rek mindpay.

⁷ Gor Biyomb key yimb. Yip simb niñiy, Ñinuk Krays nup monmon yokek apiy, yip diy kond mindakniḡ, wonḡ nup ak giy, minim tep kun ak aḡñi mindpiyn.

⁸ Gor biynimb nuk gunap biynimb tep, yand bi timey ak pen, yip simb niñiy dek, Jiwda biynimb mer okok kuyip, Krays chinup direp yimb gip minim tep ak aḡñimbiyn.

⁹ Pen Gor miñmon gay, biynimb par okok kuyip kunep diniḡayn aḡak ak pen; chin minim kun ak nind ma niñiy, Jiwda biynimb gok kuyip nep diniḡamb aḡiy niñnuk. Pen Gor yip diy aḡek, biynimb paryomb okok kuyip aḡñen, Krays nup dipay ak mey, Gor wosrey giniḡ niñayak ak gek misenḡ niñbun.

¹⁰ Gip kun ak biynimb nuk kuṇay mindyakniṅ, enjol gok sek, Seytan, Kichekiy, tap gok sek niṅiy; Gor bi gos tipaṅiy niṅimb ak aṅiy niṅniṅgambay.

¹¹ Nuk gip kun ak Biyomb chin Jiysis Krays nup, chinup yokniṅ gos niṅak rek nep gip.

¹² Pen owak rek nup gosimb niṅiy mey, Nop Gor nup ma pirikiy, monmon aṅniṅbun.

¹³ Kun ak nimbip aṅṅiraṅen, yip timey gey miker dipiyn ak, gos kuṇay ma niṅnimimb; ak nimbip biynimb tep yand aṅiy miker dipiyn.

Krays Biynimb Wasemb Yimb Ayip

¹⁴ Ar kun ak Bapiy nup kongim yimiy aṅniṅbiyn.

¹⁵ Chin yikop ma mindombinup; Bapiy yomb mindakniṅ chin kiṅiṅ keykey, semb biyoṅ man biy mindpun.

¹⁶ Nup per aṅniṅiy apiyn, “Biyomb key yimb mindpan. Kawnan nak ak, Yipiyses biynimb nip ker mindpay gok kuyip kond mindonimuṅ,

¹⁷⁻¹⁸ Ñinak nup ma kirginiṅiy; nup gosimb niṅiyṅ chiṅiy nep mindeniṅiy. Chiṅiy nep mindiy mey, nirapiy biynimb gok kuyip wasemb aypiyr rek ak giniṅiy. Miñ ak jakiy, am mon ak paṅ dek, kilis mindip rek ak niṅrep giniṅiy. Pen nand wasemb aypan ak, pernep wasemb aypan. Yiy akyoṅ amiy, akyaṅ amiy, akdoṅ amiy, akdoṅ amiy gip.

¹⁹ Kun ak biynimb nand gok kuyip gos tep ñenimin, Krays biynimb wasemb ayip rek niṅiy kunep giniṅiy. Pen chin biynimb nep mindpun ak wasemb aypan rek maṅiysek niṅjun rek ma

ayip. Nirapiy bi tep key yimb mindpiyr. Pen nirip chingiy, nand wasemb aypan kun ak rek nep ayningiy apiyn.”

²⁰ Pen nimbip aŋgaysipiyn ñin ar nuk ak. Chinup direp giningamb ak, key yimb direp giningamb. Niñiy nup aŋgniñjun ak pen; nuk bi key yimb ak, chin yip nep mindiy, key yimb giningamb.

²¹ Kun ak biynimb Jiysis Krays nup chingiy mindpun gok, yimb nup pernep dand aranying mindonjun! Tep.

4

Biyimb Krays Ker Gok Kiñiñ Nokom Rek Mindpay

¹ Yand Krays ker minden yip kalambis ayey mindpiyn ak, minim yip ak niñnimimb. Gor nimbip biynimb tep yand mindeyaŋ aŋgiy dak ak, mindrep yimb giyiñg mindenimimb.

² Biynimb yomb mindpun aŋgiy kal ma jiw-nimimb; biynimb sayn tep gok mindenimimb. Key penpen wasemb aypim rek, penpen direp giyiñg mindenimimb.

³ Gor Kawnan nimbip di jimñiy ayek, jimñiy mindpim rek; kun giy nep mindonjun aŋgiy gem amnimuñ.

⁴ Pen Kawnan ak nokom, chin biynimb kiñiñ nuk ak nokom. Nuk yip mindrep giningambun gos ak nokom.

⁵ Biyomb chin ak nokom. Nup gosimb niñep ar ak nokom. Ñiñg pikpun ar ak nokom.

⁶ Bapiy Gor ak nokom Biyomb chin mindiy; chinup maŋgiysek namb ay mindek, woŋg nup ak gipun.

⁷ Pen Ñinuk Krays nup yokek apiy, kumiy tikjakiy chinup kond mindakniŋ, woŋg keykey aŋgip rek gipun.

⁸ Kun ak Baybol buk ak tikiy aŋgyak:

“Nuk tikjak biyoŋ amyiŋg, bi nup miluk niŋyak gok kuyip taw dapyap ay, biynimb nuk gok kuyip girep yimb gak aŋgyak.”

⁹ Nuk aranjak amnak aŋgyak kiŋiŋ ak, yergiy rek mindip? Mey man ar biy apiy kumiy, tikjakiy aranjak amnak aŋgiy aŋgyak. Yikop ak yergiy aranjak ambikop.

¹⁰ Kun ak chin niŋbun: bi man ar biy awak anep kumiy, tip aranjak amnak semb biyoŋ. Amiy, semb biyoŋ man biy maŋgiysek kond mindip.

¹¹ Pen biynimb nuk gok kuyip direp yimb gak aŋgyak kun ak, biynimb nuk gok kond mindakniŋ, woŋg keykey aŋgayip rek gipay aŋgyak. Gunap aŋgayek, Jiysis minim dand amemb woŋg ak gipay. Gunap bi Gor minim aŋgep woŋg ak gipay. Gunap biynimb Gor nup gosimb ma niŋbay gok kuyip minim tep ak aŋgñimbay. Gunap biynimb nup dipay gok kuyip kond mindiy aŋgñirep gipay.

¹²⁻¹³ Biynimb nuk kond mindakniŋ, woŋg keykey gipay kun ak, biynimb kiŋiŋ yand gok maŋgiysek yip niŋrep giy, jimñiy mindrep gi dand amiy, Bapiy yip, kiyk yip minim bap ma mindonimun aŋgiy gak.

¹⁴ Gak ar kun ak mindon angyiy, ñapan sikoy rek ma mindon mey, bi Gor minim aspun angyiy yesek apay gok, chinup yingen diy solwara tungandik mandik gip rek ak ma giningambay.

¹⁵ Niñrep giy, biynimb gok kuyip wasemb ay, minim niñind yimb nep angyiy, Krays nup chingiy, nuk junwon rek mindeningamb; chin mumbwak ñin kind tomb kind nuk gok rek mindoningambun.

¹⁶ Kun ak chin nup chingiy jimñiy mindiy, penpen wasemb ay, wonj chinup keykey angyayip rek gon amek mey, mangyisek mindrep giningambun.

Krays Ker Mindpun Rek Miñ Kisenimb Ar Ak Ginjun

¹⁷ Kun ak Krays nimbip dip ak niñiy, biynimb nup ker ma mindpay gok gipay ar ak, kirginimb. Gos kiyk ak yipund ma gip.

¹⁸ Kiyk Bi chinup gek perper mindoningambun anup kirgiy, nup gosimb ma niñjun angyiy, biynimb sakiy rek ay, kisyim wip kind ak mindpay.

¹⁹ Tap siy tap timey gun angyiy, nambiñ ma diy, tapin monmon gey amjap.

²⁰ Pen Krays chinup kun ak rek ginimimb angyiy ma angak.

²¹ Minim tep nimbip angyak ak niñbim: biynimb nup ker mindpun gok mind mangyiy chin limginingamb ar ak monmon ma giningambun.

²² Tap siy tap timey ginjun angyiy niñyngipun ak kirgiy,

²³ gos tep kisenimb ar ak niñningambun.

²⁴ Pen Gor gek biynimb kisenimb mindonjun rek ayip ak, miñ kisenimb ar ak diy mindenjun.

Nind mindyngipun rek kirgiy, nuk mindrep gip rek ak mindenjun.

²⁵ Krays biynimb nuk mindpim ak maŋgiysek, keykey mindpim rek, mam ay gok kuyip yesek aŋgyiŋgipim ak kirgiy, minim niŋind gok nep aŋgnimimb.

²⁶ Miluk niŋmindem pumb paŋind amningamb ak, Gor nup tep ma giniŋgamb.

²⁷ Pen monmon gem, Seytan nimbip gos timey ñek, timey ginimimb rek ayip ak, niŋrep ginimimb.

²⁸ Biynimb tap siy diyiŋgipay gok siy ma diniŋgiy; key woŋg giy tap mindakniŋ, gunap biynimb yimgeprek gok kuyip ñiniŋgiy.

²⁹ Minim aŋgning, minim timey gunap ma aŋgnimimb. Minim teprep biynimb niŋiy, Gor nup chiŋgrep giniŋgiy rek aynimuŋ gok nep aŋgnimimb.

³⁰ Gor chinup ñin kisen ak pisnep diniŋgayn aŋgiy niŋay, Kawnan nuk ak nind yokek apiy yip mindpun ak, timey giy nup miker ma ñinimimb.

³¹ Simbwur timey gek, kaljiwiy, miluk niŋiy, biynimb aŋgjiwiy, minim yomb aŋgiy gipim ak kirgiy,

³² penpen simb niŋiy, pen dek pen dek ginimimb. Nimb Krays ker mindem, Nop nimbip tap siy tap timey gipim ak niŋiy kirgip rek, pen niŋiy kirgek pen niŋiy kirgek ginimimb.

5

Melik Ar Ak Tanjonjun

¹ Nimb Bapiy Gor ñapan tep nuk mindpim ak, nuk gip rek ginimimb.

² Ñinuk Krays biynimb simb niñimb rek ak ginimimb. Chinup simb niñiy, Gor nup tap pik simbonjiy akan opriyñ tep ñimbay rek ak, chinup nen mon bak biyoñ kumak. Kun ak rek biynimb gok kuyip wasemb aying mindenjun.

³ Pen Gor biynimb nuk yimb mindpun ak, mindmanjiy limgip rek ginjun anjiy, biyn siy bi siy ginjun anjiy akan, chinup keynep tep giniñgamb rek gun anjiy, ma nep niñjun.

⁴ Ñiñlon ay, kunep minim timey yesek yesek kun ak rek ma anjun. Gor bi tep anjiy, yimb nup anep dand aranjun.

⁵ Niñrep gipun: biynimb biyn siy bi siy giy, monmon giy, chinup keynep tep ginimun anjiy niñbay gok; tap kuyip tep gip gok yomb rek ayek, Gor nup gosimb ma niñbay ak mey, Gor apiymiñay kuyip diy kond mindenimiyr rek ma ayip.

⁶ Biynimb Gor nup kirpay gok yiwur yomb yimb diniñgambay. Kun ak minim monmon anjiy, nimbip yesek anñey niñnimimb rek ayip ak, niñrep ginimimb.

⁷ Kiy yip tanjiy, minim kuyip ak ma niñnimimb.

⁸ Nind kisyimnamb okok mindyñgipim ak pen; miñiy Biyomb chin ak yip tanjiy, melik ar ak mindpim.

⁹ Melik ar kun ak mindiy mey, yesek ma anjiy, timey ma giy, mindrep yimb giy mindeniñgambun.

10 Kun ak Gor chinup nihek tep ginimuj ar ak nep ginjun angyi gem amnimuj.

11-12 Weygiy kisyim kind okok tangiy tap gipay ak, nimb yip ma ginimimb. Kiyk timey gipay ak; chin kun ak rek minim anep angun angon, nambij gip. Pen biynimb kun gipay gok kuyip angem, Gor nup timey gispay ak niñningiy.

13 Miñmon yapek tap mangiysek misen niñbun. Kun ak rek Gor melik nuk apek, tap yerip weygiy gipay ak misen niñningambay.

14 Minim bap tikiy angyak,
 “Biynimb kisyim kind ak mindiy, sakiy giy kin-
 jipim gok Krays nimbip sup ak punyip nen;
 tikjakim angyak.”

15 Kun ak biynimb gunap minim ma niñiy, monmon gipay rek ma ginimimb. Niñrep giy mindenimimb.

16 Biynimb timey nep gipay ñin biy, chin Gor biynimb nuk mindpun gok mindrep ginjun. Mer ak, ñin chin biy yikop siling pandikniñgamb.

17 Kun ak monmon ma ginimimb; nup tep giniñgamb ar ak niñiy ginimimb.

18 Niñg kilis ñimbis, sakiy ma aynimimb; Gor Kawnan ak yip nep mindyng, gos tep ñimb rek ginimimb.

19 Baybol buk minim Sam apay gok penpen angniyng, kamep angyng, minim tep nup angyng ginimimb. Tep gakniñ, key niñbim rek Biyomb chin ak nup, minim tep gunap angnimimb.

20 Biyomb chin Jiysis Krays yip mindpun rek, minek minek yerer ginimuj ak yimb nup angyi,

Nop nup tep angying mindenjun.

Bi Beryongon Gok Kuyip Minim Angak

²¹ Biynimb nup ker mindpun gok Krays nup gosimb niñying, penpen direp ginjun.

²² Nimb biyn gok Biyomb ker mindpim rek, nangumiy sikop angyingiy rek niñnimimb.

²³ Ar kun ak kun giy mindip: Krays biynimb gok diy kond mindip rek; bi gok biyn kiyk gok diy kond mindpay.

²⁴ Krays biynimb nuk gok kuyip angek minim nup kisen gipay rek, biyn gok, bi kiyk gok angyingiy rek kisen giningiy.

²⁵ Pen nimb bi gok, Krays biynimb nuk gok mangiysek wasemb ay monmon kumak rek niñiy, biyn nimbik gok kuyip kunep wasemb yimb aynimimb.

²⁶ Chinup biynimb nuk gok Gor yip mindeyan angyi, minim tep nuk ak sek, ñing ak sek gek,

²⁷ silik kiñowin akan, minim sikoy gunap ma mindiy, teprep nep mindey kuyip dand aningayn angyi gip.

²⁸ Nimb bi gok, biyn nimb gok kun ak rek ginimimb. Mumbwak nimb key niñrep gipim rek kuyip ginimimb. Bi biyn kiyk wasemb aypay gok; mumbwak nokom mindpiyr rek, mumbwak kiyk key wasemb aypay.

²⁹ Mumbwak chin ak yiruk ma niñbun; key niñon tep gek, tap keñmangiy ñiyiñg ñiyiñg nep mindpun. Krays biynimb nuk kond mindip gok kun ak rek gip.

³⁰ Yenen; chin mumbwak ñin kind tomb kind nuk gok rek mindpun.

³¹ Pen Baybol buk ak tikiy angyak, “Bi gok biyn dining, nonim nop kuyip kirgiy, biyn diy jimñiy mindiy, mumbwak nokom rek ayek mindpay angyak.”

³² Minim kun ak junj bap mindek angak. Yand niñiy aspiyn ak, Krays nuk mey junwon, chin biynimb nuk gok, ñin tomb kind okok rek mindpun.

³³ Pen nimb bi gok nokom nokom, mumbwak nimbik ak key simb niñbim rek, biyn nimbik gok kuyip simb niñnimimb. Nimb biyn gok nokom nokom, nangumiy sikop kuyip, bi chin angyiy kuyip direp ginimimb.

6

Ñapan Gok

¹ Nimb ñapan gok, nap nanim sikop angningiy rek niñdinimimb. Gor angak miñ tep mey ar kun ak.

²⁻³ Nuk angak, “Nap nanim sikop kuyip direp giy, angnimiy rek niñdinimimb angak.” Pen minim kun ak angyiy angak, “Kun giniñgambim ak kasek ma kumiy, man ar biy tapin mindiy, mindrep giniñgambim angak.”

⁴ Pen nop nonim sikop, ñapan nimbik gok mindrep giyan angyiy, kuyip sosim rek ma angnimimb. Kun gem, yiruk gek, minim angningambim ak ma niñningambay. Pen yomb giyakniñ, gos wikrep giyিং, Gor minim angnirep giyিং mindenimimb.

Biyomb Gok Sek Bi Yikop Gok Sek

⁵ Pen nimb biynimb biyomb dap ayey kuyip yikop wong giñimbim gok, Krays minim angek pirikiy direp gipim rek; biyomb nimb lum ar biy gok kuyip kunep ginimimb.

⁶ Biyomb gok niñmindyakniñ gon kuyip tep gañ angyi, wong ma ginimimb; Gor nup gosimb niñbim rek, Krays nup tep ginimuñ angyi ginimimb.

⁷ Biynimb lum ar biy kuyip nep gispun angyi ma niñnimimb; Krays Biyomb chin ak nup wong gispun angyi, tep gakniñ ginimimb.

⁸ Nimb niñbim: chin biynimb yomb akan, biynimb yikop wong giñemb akan; Biyomb chin anup wong girep goniñgambun, chinup direp giniñgamb.

⁹ Pen nimb biyomb biynimb chinup yikop wong giyañ angyi dap aypim gok; kuyip direp ginimimb. Minim kilis angem pirikiyng, wong ma giniñgiy. Biyomb chin semb biyoñ biynimb mañgiysek kond mindip ak, biynimb gok yomb biynimb gok sikoy angyi ma niñimb. Andip andip mindpay ak niñiy, pis bap akan pis bap ma amniñgamb.

Chim Yakam Gor Ñimb Ak Yisik Ayrep Giy Mindonjun

¹⁰ Minim anğ day jiwniñg gispiyn. Biyomb yimb anup chinñgiy, nimbip kond mindakniñ mindrep ginimimb.

¹¹ Seytan chinup per timey giniñg gip ak; chim yakam Gor chinup ñimb ak kinjeñram ak ay niñmindrep ginimimb.

12 Biynimb yikop gok yip ma penpen gispun: kichekiy malñiluk biyomb kiyk kiñiñ keykey semb biyoñ man biy mindiy, kisyimken tapay gok yip penpen gispun.

13 Kun ak tap penpen giniñg aypay gok mañgiysek ayrep giy mindiy mey; ñin kosyam mindep ak apek, kilis giy nep mindem, tap gunap nimbip giniñgiy rek ma ayniñgamb.

14 Kun ak Gor minim niñind yimb ak, ler rek pimbriknimimb. Kond ñaṅniñgambay aṅgiy, tiñgliys wos aypay rek, Gor nup di wiñmiñgan aynimimb.

15 Tomb tirup aypay rek, Gor yip jimñiy mindep minim tep ak dand amnimimb.

16 Kandij teṅgiypay rek, chinup kond mindeniñgamb aṅgiy nup gosimb niñmindem mey; nuk gek Seytan yakam nuk mon rek yinakniñ ñaṅniñgamb gok pisnep sunṅniñgamb.

17 Wis wos band aypay rek, Gor nimbip simb niñiy dip gos ak, di jun biyoñ aynimimb. Baynat kind dand ambay rek, Gor Kawnan nimbip minim ñimb ak dand amnimimb.

18 Kawnan nuk gos ñakniñ, Gor nup minim ar keykey aṅniñyiñg mindenimimb.

19 Yip kunep ma kirginimimb. Gor nup aṅniñem yip kond mindakniñ, ma pirikiy, minim tep weygiy mindyiñgip ak biynimb gok kuyip monmon aṅṅñinim.

20 Minim kun ak nep aṅraṅgenik yip kalam-bis ayeyak mindpiyn ak pen, nup aṅniñem ma pirikiy monmon aṅṅñinim.

Minim Day Won Gunap

²¹ Pen yand yergiy rek mindpiyn ak, mam tep chin Tikiykas, bi Gor nup wonḡ girep gip ak, amjakiy nimbip aḡñiningamb.

²² Mindpiyn rek, wonḡ gipiyn rek am anḡek niḡiy, gos sek mindenimimb.

²³ Bapiy Gor apiymiḡay nimbip kond mindrikniḡ, kuyipapiy gosimb niḡiy, biynimb kuyipapiy gok wasemb aymindenimimb.

²⁴ Pen Gor nimbip biynimb Biyomb chin Jiysis Krays nup wasemb ayiḡ nep mindpim gok, simb niḡiy direp yimb ginimuḡ.

**Kalam Baybol Buk Gor minim nuk kisin
angayak
The New Testament in the Kalam Language of Papua
New Guinea
Nupela Testamen long tokples Kalam long Niugini**

copyright © 1992 Wycliffe Bible Translators, Inc.

Language: Kalam

Dialect: central

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

PDF generated using Haiola and XeLaTeX on 18 Apr 2025 from source files dated 31 Aug 2023

1491c109-3ee2-5565-9b83-06c480168547